

Kev Txhaj Tshuaj Tiv Thaiv Kab Mob HPV thiab HPV: Yog Qhov Uas Txhua Tus Niam Txiv Yuav Tau Paub

Kab mob papilloma ntawm tib neeg HPV yog dab tsi?

HPV yog ib hom kab mob vais lav uas keev muaj uas 8 tus neeg ntawm 10 leej mas yuav muaj tus kab mob no rau thaum txog ib lub sijhawm twg hauv lawv lub neej. Qee yam mob HPV muaj peev xwm ua rau muaj kab mob khees xaws tau tom qab ntawd.




Tau kwv yees tias txhua xyoo tus kab mob HPV ua rau cov txiv neej thiab cov poj niam muaj neeg coob txog 37,000 leej muaj mob khees xaws nyob rau hauv Teb Chaws Meskas - qhov ntawd ntau npaum nkaus li cov neeg uas tuaj saib kev sib tw ua kis las baseball!

Tsuas yog kab mob khees xaws ncauj tsev me nyuam, ib ntawm cov kab mob khees xaws uas yog vim los ntawm HPV, muaj peev xwm kuaj xyuas tau thaum ntxov los ntawm kev kuaj ntsuas Pap. Lwm yam kab mob khees xaws uas vim los ntawm HPV (cov kab mob khees xaws ntawm lub qa, tej chaw mos, los sis txoj hnyuv qhov quav) mas tej zaum yuav kuaj ntsuas tsis pom kom mus txog rau thaum mob loj mas thiaj li yuav kuaj tau. Tshuaj txhaj tiv thaiv kab mob HPV tiv thaiv tau cov kab mob uas yuav ua rau muaj mob khees xaws.

Kuv muaj peev xwm tiv thaiv kom kuv tus me nyuam txog muaj tus kab mob HPV tau li cas?

Tshuaj tiv thaiv kab mob HPV tuaj yeem tiv thaiv kom txhob muaj kab mob khees xaws los ntawm HPV tau txog 90%. Cov tshuaj txhaj tiv thaiv kab mob HPV mas nyab xeeb heev, thiab raws li tej ntaub ntawv tshawb fawb qhia tau tias yam tshuaj txhaj tiv thaiv kab mob HPV mas muaj txiaj ntsig zoo dua qhov yuav ua rau muaj mob. Txij thaum xyoo 2006 los, tau txhaj tshuaj tiv thaiv kab mob rau cov neeg coob tshaj 135 phlom tus neeg nyob rau hauv Teb Chaws Meskas, yam tshuaj txhaj tiv thaiv kab mob HPV yeej siv tau nyab xeeb heev raws li tej ntaub ntawv teev tseg hauv 15 lub xyoos dhau los. Tej mob uas tshwm sim los ntawm kev txhaj tshuaj mas tsuas yog mob me ntsis xwb thiab ib ob hnuv xwb yeej zoo lawm. Tej ua rau mob no muaj xws li mob ntxim, ua pob liab, los sis o rau ntawm thaj chaw uas txhaj tshuaj, nws yeej zoo ib yam lwm cov tshuaj txhaj tiv thaiv kab mob xwb.



**Kev Kis Kab
Mob HPV poob
qis txog
88%
rau hauv Cov
Ntxhais Hluas**

Kev txhaj tshuaj tiv thaiv kab mob HPV mas ntxim zoo heev. Txij thaum tau hais kom txhaj tshuaj tiv thaiv kab mob HPV thawj zaug thaum xyoo 2006 los, hom kab mob HVP uas ua rau muaj kab mob khees xaws HVP ntau tshaj plaws ntawd tau poob qis txog 88% rau hauv cov ntxhais hluas thiab 81% rau hauv cov poj niam hluas.

Kev Txhaj Tshuaj Tiv Thaiv Kab Mob HPV thiab HPV: Yog Qhov Uas Txhua Tus Niam Txiv Yuav Tau Paub

Kev txhaj tshuaj tiv thaiv kab mob HPV mas raug hais los ntawm tsoom fwm Pawg Kws Saib Xyuas Kev Txhaj Tshuaj Tiv Thaiv Kab Mob, Cov Kws Kho Mob Rau Me Nyuam Yaus ntawm Haiv Neeg Meskas, thiab Cov Kws Kho Mob Rau Tsev Neeg ntawm Haiv Neeg Meskas. Kuj raug hais los ntawm Pawg Saib Xyuas Neeg Meskas Mob Khees Xaws (American Cancer Society) thiab raws li Txoj Cai Kev Tiv Thaiv Kab Mob Khees Xaws Rau Cov Neeg Hauv California (California's Cancer Prevention Act).

Leej twg thiaj li yuav tau txhaj tshuaj tiv thaiv kab mob thiab lawv yuav txhaj tshuaj tiv thaiv kab mob rau thaum twg?



Vim hais tias yam tshuaj tiv thaiv kab mob no mas ntxim zoo dua yog txhaj tiv thaiv rau thaum hnuv nyooog tseem hluas, ces thiaj li yuav xav kom txhaj ob koob tshuaj tiv thaiv kab mob HPV rau txhua tus me nyuam yaus uas muaj hnuv nyooog thaj tsam 9 txog 12 xyoos, thiab yuav tau txhaj koob tshuaj thib ob ua ntej pib yuav mus kawm ntawv qib 8.

(Cov me nyuam yaus uas tos lig dua es mam li txhaj thawj koob tshuaj tiv thaiv kab mob HPV ces tejj zaum yuav tau txhaj peb koob tshuaj.) Yam tshuaj txhaj tiv thaiv kab mob HPV mas feem ntau yuav txhaj rau tib lub sij hawm li lwm cov tshuaj uas txhaj rau cov neeg hluas, xws li Tdap tiv thaiv kab mob hnoos qhuav thiab yam tshuaj meningococcal tiv thaiv kab mob rau daim npluag qhwv paj hlwb.

Kuv yuav koj kuv tus me nyuam mus txhaj tshuaj tiv thaiv kab mob HPV rau ntawm lub chaw twg?

Nug koj tus kws saib xyuas kev noj qab haus huv, kws muag tshuaj, los sis lub chaw saib xyuas kev noj qab haus huv hauv ib cheeb tsam, es thiaj li paub ntau ntxiv txog yam tshuaj txhaj tiv thaiv kab mob HPV thiab thiaj li paub tias yuav mus txhaj tshuaj rau ntawm lub chaw twg tau. Feem ntau cov tuam txhab issaslas kho mob yeej duav nqi rau yam tshuaj txhaj tiv thaiv kab mob lawm. Yog tias koj tsis muaj issaslas kho mob, los koj tus me nyuam yeej tseem yuav raug txhaj tshuaj tiv thaiv kab mob. Khoos Kas Txhaj Tshuaj Tiv Thaiv Kab Mob Rau Me Nyuam Yaus (Vaccines for Children, VFC) pab txhaj tshuaj tiv thaiv kab mob pub dawb rau cov me nyuam yaus mus txog cov muaj hnuv nyooog 18 xyoo uas tsis muaj issaslas los sis cov neeg uas lawv li issaslas tsis duav nqi rau cov tshuaj tiv thaiv kab mob ntawd.

Nug koj tus kws saib xyuas kev noj qab haus huv los sis mus saib hauv [lub tsev saib xyuas kev noj qab haus huv hauv ib cheeb tsam](#) ntsig txog [VFC](#). Nrhiav cov kws kho mob uas koom rau hauv [VFC nyob hauv koj thaj chaw](#).

Yog xav paub cov ntaub ntawv ntau ntxiv ntsig txog HPV, tshuaj tiv thaiv kab mob, thiab kev tiv thaiv kab mob khees xaws, ces mus saib hauv [Cov Chaw Tiv Thaiv thiab Tswj Kab Mob](#).